

رساله بهائیه

صاحب و ناشری :

سلطان بایزیده حکاکر قارشوسنده ۵۱ نومرولی کتابخانه

نصرت صاحبی نصرا بهائی

[حقوق مطبعه می]

باب عالی : ابوالسعود در سنده نومرو (۱۹) دخی
س الجهم طریقت زهر رسد اسعیا و انتخاب و فی
سر دخی الله تعالی به هجرت و رسوله نصرت ایده
ر دین و اشعار احکام یقین استدیلمر .

رسالهٔ بهائیه

بسم الله الرحمن الرحيم

حمد بی‌نهایه و شکر بی‌غایه اول مظهر مکنونات و موجد معدومات اولان
مقدر اقدار و خالق مختار حضرت‌تربینه اولسونکه نوع انسانی فصاحت
نطقیه ممتاز و علمیه سرفراز ایدوب مسجود ملاکۀ عظام و محسود
شیاطین لئام ایتدی .

(قطعه)

شرف عالم و ادبیه آدم . اولدی جمله ملکه اول مسجود
ادبی ترک‌ایله ابلیس لئیم . اولدی درگاه حدادن مضرود

وصالهٔ وسلام دخی اول شمس رسالت شامله و ختم نبوت کامله اولان
نبی مجتبی و رسول مقتدی حضرت‌تربینه اولسونکه انار عالمدن ظلمت ضلالتی
فنا ایدوب انوار هدایتی ابتدا ایتدی و رحمت رضوان دخی اول اقرار
تسلیت شفا و اول انجمن طریقت زهرا اولان آل عبا و احباب و فضیلت‌نامه
اولسونکه انار دخی الله تعالی به هجرت و رسالت‌نامه نصرت ایدوب انجمن
شعر دین و اشعار احکام یقین ایتدیلر .

(نظم)

شمس آفاق رسالتدر رسول مجتبی • آسمان شرعتك آل عبا اقراریدر
 جمله اصحابی شعار، دینی اظهار ایتده • برج احکام یقینك انجم انصاریدر
 اما بعد معلوم اوله که الله تعالی ارواح انسانیه بی عالم لاهوته جوهر
 نوردن احسن تقویم اوزره خلق ایتدی ، نته کیم بیوردی [لقد
 خلقنا الانسان فی احسن تقویم] صکره اول ارواح انواریه بی فوق عرشده
 اسکان ایدوب، مظهر ذاتی و صفاتی ایتدی و انلره اول عرش برینده نیجه مدت
 مقام مشاهده سنده مقیم ایتدی و اول مقام مشاهده ده اول ارواح اول
 رتبه کالات علمیه و آداب عبودیه ایله موصوف اولدیلر که جمیع مخلوقاتدن
 اعلم و اکرم اولوب خلافتیه مستحق اولدیلر ، انکی چون الله تعالی دن
 [انی جاعل فی الارض خلیفه] وعدینه مظهر اولدیلر ، صکره الله تعالی
 حضرتلری انلری ریوزینه خلیفه ایتک ایچون خاکدن انلره بر قالب رعنا
 و برجسد مستثنی ایجاد و تصویر ایتدی، نته کیم قرآنده بیوردی [هو الذی
 خلقکم من طین] صکره اول ارواحی فوق عرشدن آلوب عالم جبروته
 انزال ایتدی و عالم جبروتدن عالم ملکوته انزال ایتدی و عالم ملکوتدن عالم
 ملک انزال ایتدی که اول جسد تیره داندیر ، نته کیم اشارت ایدوب
 بیوردی [ثم رددناه اسفل سافیلین] صکره ارواح نورانیه نکه ذاتلرینه
 اولان نورانیتلری و نشاتلرنده اولان علم و معرفتلری تیره دان جسد تعلقی
 و تعشق سبیلله ظلمت طبیعت بشریه ایله محسوف و کشفات جسدیت عنصریه
 ایله مکسوف اولوب ذاتلرنده اولان نورانیت محسوف و نشاتلرنده اولان علم
 و معرفت منسوخ اولدی، نته کیم الله تعالی بیوردی [و اخرجکم من بطون
 امواتکم لاتعلمون شیئاً] صکره ینه الله تعالی اول ارواحی نشئه اصایه لرینه

رجعت و محمد اعلا لرینه عودت ایتسونلر ایچون کتابلر انزال ایلدی و اول کتابلرده مجاهدات حسنات و اعمال صالحات بیان ایلدیکه، هرکیم انلری ایشلرایسه ظلمت طبیعتدن خلاص و کثافت جسددن نجات بولوب نشئه اصلیه سینه رجعت و نورانیت ذاتیه سینه عودت ایدوب حق تعالی یه کمال معرفت و جنبانه وصلت ایدر، نیکیم الله تعالی بیوردی [فمن کان یرجو لقاء ربه فلیعمل عملا صالحا] .

(نظم)

خالق ایدوب احسن تقویم ایله ارواحی خدا
ایلدی مهتد مأوالرینی عرش برین
ایدیجک اناره عرش اوزره خداعرض جمال
اولدیلر ذات و صفاتینه مرایای کزین
صکره ایشاب ایدوبن حکمت صنع باری
ایده انسان ایله بو روی زمینی ترین
حکمت بالغه سی صنعی ایتدی اظهار
خاکدن روحلر ایچون برجسد ایتدی تدوین
الهی حق روحلری ایندیردی فضای عرشدن
خاکدن جسد ، نیکه قودی راز حزین
بو ایکی ضدی خدا عشق ایله تألیف ایتدی
ایلدیلر تاکه عبودیتنه وضع جبین
روحلر اولدقده مقارن جسدده ایتدی کناه
ایتدیرر آدمه البته کناه سوء قرین
جسد تیره وطن ایسه ده روح ضربه ده

حق تعالی اوله ارواحه بو غربتده معین
ذکر و طاعت ایدرک قید جسدن کچلم
اولهلم روح معلا ايله اللهه یقین

الله تعالی کتب منزلهده بیان ایلدیکه مجاهدات حسنه و عبادات
صالحه قتی چوق طریق اوزره در ، ا کا بناء دنیلدی « الطرق الی الله
بعدد انفس الخلائق » لکن اول طرق موصله بیننده تصفیة روحه انسب
و وصول حقه اقرب اولان طریق (طریق ذکر) در ، زیرا حضرت
علی کرم الله وجهه رسول الله صلی الله علیه وسلمدن حق تعالی یه اقرب
طریق طلب ایلدکده رسول الله (اقرب طریق الی الله ، طریق ذکر در)
بیوردیلر و انلره اول وقت طریق ذکر ی تلقین ایلدیلر و بیوردیلرکه (ابن
آدم اوزرینه بر ساعت مرور ایتسه او ساعت الهی ذکر ایتسه ، اولکمه
جنته کیرسه بیه اول ساعت ایچون تحسر ایدرکه نیچون الله تعالی یه انده
ذکر ایتدم) وینه بیوردیلرکه [لیس لقوله لا اله الا الله جزاء الا النظر الی
وجه الله تعالی و الجنة جزاء الاعمال] وینه بیوردیلرکه [ان القلوب تصدوا
کما یصدوا الحدید و جلاءها ذکر الله] و الله تعالی بیوردی [ولذکر الله اکبر]
الله تعالی ذکر کذا کبریتی ايله مؤکد حکم ایتسی ذکرک عند الله افضل اعمال
اولدوغن اقتضا ایدر ، انکچون الله تعالی عبادندن ذکرک کثرتنی طاب
ایلدی و عبادک ذکرینی ذکرینه سبب ایتدی و بیوردی [واذکر و الله ذکرکرا
کثیرا ، واذکر ونی اذکرکم] ایمدی قولک بر عملیکه الله تعالی نک ذکرینه
سبب اوله اندن افضل و انفع عمل اولورمی ! وینه حدیث قدسیده بیوردی
« انما جلیس من ذکرنی » و بو حدیث شریفدن مستفاد اولان بوکه ذکرک
ایله الله تعالی یه اولیه کمال قریبت و تمام انسیت تحصیل ایدرکه اول قریبت و انسیت

لازمی اولان جلوس که حق تعالی نك شاننه محال ایکن حق تعالی انی ذاتنه اسناد ایتدی ، ایمدی طالب رضاء الله وراغب لقاء الله اولان کیمسه ذکره ملازمت ایتک کر کدرکه رضاء الله نائل ولقاء الله واصل اوله .

(نظم)

حق سون ذکرك ایدر اکتشار . دائم ایدر کندینه ذکرین شعار
ذاکر ایدر ذکر ایله حقه جلیس . ذاکره ذکر ایله اولور حق انیس
ذاکر اولور ذکر ایله مذکور حق . ذاکر اولور ذکر ایله منظور حق
قلبه ذکر ایله ویرنلر جلاله آنلر اولور آیینه کبریا
ذکر ایله ذاکر ایریشور قربته . ذکر ایله داخل اولور اولحضرته
ذاکر ایدر ذکر ایله کسب فنا . ذکر ایله الله ایدر انما
دلده قومن ذکر صدادن اثر . ذاکری اول حب سوادن کسر
ذکری اوکیم ایله ورد زبان . آکا اولور سر حقیقت عیان
مرغ صفت ذکر ایله ذاکر اوچر . ذکر ایله اول جمله هوادن کچر
ذاکره ذکر ایله کلور وجد و حال . ذاکر اولور ذکر ایله اهل وصال
ذکر ایله درگاه خدا فتح اولور . ذکر ایله اهواه نفس قدح اولور
ذکر ایله الله بولنلر لقاء . آنلر ایمش حقه یقین اولیا
ذکر خدایی قومه دلدن صاقین . تا اوله سین سنده خدابه یقین
طریق ذکر ایکیدر . بری (طریق ذکر جهری) وبری
(طریق ذکر خفی) در . طریق ذکر خفی ذکر جهریدن افضلدر .
زیرا رسول الله صلی الله علیه وسلم بیوردی « خیر الذکر خفی و خیر الرزق
مایکفی » و ذکر خفی دخی ایکیدر . بر طریق (لساناً اخفا اینه ذکر)
و بر طریق (قلباً ذکر) در و بوقاب اینه ذکر لسان ایله اخفاء ذکردن

باخصوص بوطریقت علیہدہ (قطبانیت عظمی) و (ولایت کبری) ایله ظهور ایدن «خواجه بهاءالدین نقشبند حضرتلری» که برکات همتلریله سالکله عرفان و نسبات فیوضاتیلہ عالملره جان کشدر و طاعت و عبادتلیله روی زمینی کلزار و کشف و کرامتلیله سقف آسمان زرینکار اولمشدر، بوذرذناحیز اول شمس ولایتک طریقتله انتساب و یمن وبرکتلرندن استعجاب ایچون دأب طریقتلرینی ذکر و بعض کرامتلك جمع ایدوب بورسالهینی ترتیب ایتدم؛ امید ایدرمکه قصورمی عفو ایدوب خدمتمی قبول ایدلر، زیرا اوילה عالی جاهك خدمت و صفلری مشکلدن .

(نظم)

من نتوانم که کنم وصف تو . تو که شدی در ره حق سر بلند
غیر بآنمکه قصورات من . عفو کنی ای شه من نقشبند

بورساله ایکی باب اوزره تقسیم ایتدم .

اولکی باب (خواجه حضرتلرینک آداب طریقتلری) بیانیله
اولوب (بر مقدمه) ایله بش (فصله) تقسیم ایتدم .

ایکینچی باب دخی (خواجه حضرتلرینک مناقب سنیهلرینی و کرامات
علیهلرینی) شامل اولوب آنی دخی بر (مقدمه) ایله بش (فصله) تقسیم
ایتدم و بورساله نك اسمی ههاسنه مطابق اولسون ایچون و خواجه
حضرتلر دخی نسبت سینیله سالکله عنندنه بهادر و عارفلر نزدنده
عظیم الشان اولمسیچون اسمنه (هائیه) تسمیه ایتدم .

(باب اول)

من معارف اولمکه طریق تقرب حق سبجانه و تعالییه سالوک
ایس کیسه بر شرط بوتحق لازمدره که سوکند و قبول تمام و حصول

مهرام اکامیسراوله، ایمدی سالکه اولا لازمدکه حق تعالی بی بوصفتلرایله
اعتقاد ایدوب بواعتماد اوزرینه ثابت وراسخ اوله، تا کیم نفس وشیطان
طرفدن اوهام وخیالات ایله ضلالتله دوشوب هلاک اولمیه، بس ایمدی
الله تعالی بی بویه اعتقاد ایده یعنی «الله تعالی واجب الوجود وخالق جمیع
موجودات وحی وعلیم وقادر وقیومدر، سمیع وبصیر وفعال لما یریددر،
متکلم وصریددر، واحد احددر، وفرد وصددر، ذات وصفانده مثلی وخلق
ایتدوکی عالمدره شریک ونظیری وخلق ایجادنده معین وظهیری یوقدر،
قدیمدر، ابتداسی یوقدر، باقیدر انتهای یوقدر، تبدل وتغیر اکاظاری
اولمز، قابل انقسام وتجزی دکدر، محل امکان حدوث اولمز وزمان ومکانده
وجهت ارکانده قائم اولمز، الوان و اشکالدن منزهدر، حس وابصار
وعقول افکار ایله درک اولمز، انجق نور ایمان وکشف عرفان ایله درک
اولنور، حقیقتی کندنیدن غیری بیلور یوقدر، جمیع علویاته وسفلیاته
قربیتی مساویدر، جمیع کائناتی محیط اولوب احاطه سی تحدید طریق اوزره
دکدر، جمیع اشیایی ذره بذره بیلور وبیلمسی مخلوقک بیلمسی کبی دکدر
جمیع مخلوق ایله معیتی وار، لیکن معیتی حلول وامتزاج ومقارنت واتصال
اوزره دکدر، جمیع مخلوقک عظمتلری انک عظمتی عندنده ذره دکدر.
جمیع موجودات انک ایله قائمدر، خاطره هر نه کلورسه انک غیریدر.
بوصفتلر اوزره حق تعالی بی سالکه بیلمک کرکدر، تا کیم سلوک
انساننده یرمازلغه دوشوب هلاک اولمیه .

(نظم)

واحد وفرد وصد اولدی اله . اکابر حسن نظام اولدی کوا
جهت معدوم ایکن اولدر موجود . جهله موجود ایکن اولدر معبود

یوق ایکن ایلدی عالمی وار . ایتدی عالمی صمن اظهار
 باطن اولدوقده اودر ظاهر اولان . اول اولدوقده اودر آخر اولان
 هم سمیع هم دخی هم دیده بصیر . هم علیم هم متکلم و قدیر
 قدر و قیوم و خلاق اولدر . جملة مخلوقنه رزاقده اودر
 عالمه قرب وجهتدن عاری . ایدن عالمه اولدر یاری
 خالدر صائمه انی اشباهه . ساریدر صائمه انی ارواحه
 جملة عالمات انککه قائم . جملة مخلوقنه اولدر عالم
 اتحاد ایلمز اول احیایه . اشتباهی یوق انک اشیایه
 ذات پاکنده تعین بولدی . خاقی هپ مظهر اسمی قیلدی
 اولدی ذاتی کبی اسمی قدیم . باقییدر تا به ابد فیضی عمیم
 وار ایکن عالمی ایلار اعدامه . دیده من بونده آکا کیمسه کلام
 جناسله فصل ایلک اولمز محدود . بصر و حسن ایلک اولمز مشهود
 کشف ایدر نور بصیرتله آنی . کیم وجودنده اولورسه فانی
 بوله کور سنده وجودنده فنا . اوله ساک ماصدق (ثم دنی)

دخی حق تعالی یه تقرب قصد ایدن سالک توبه نصوح لازمدر ،
 زیرا الله تعالی چرکاب معاصی ایلک ملوث اولان کیمسه نی سومزو آنی درگاه
 پاکنده قبول ایتمز . تا کیم اول کیمسه آب توبه ایلک پاک اولیه ؛ حدیث
 شریفده « ان الله طیب لا یقبل الاطیبا » وارد اولمش الله تعالی دخی (ان الله
 یحب التوابین و یحب المتطهرین) بیور مشدر ؛ پس ایدی الله تعالی یه تقرب
 ایچون توبه مراد ایدن کیمسه یه لازمدر که بر دعوتی مستجاب اولور و لینک
 حضورینه کیدوب جمیع ایتدیکی معاصینک صغیر و کبیرندن توبه ایدوب
 طاعات و عباداته تشبث و تمسکه نیت ایدوب جمیع ایتدیکی غشلاتدن دخی توبه

ایدوب اخلاق حمیده ایله اتصاف اید؛ آندن صکره بردخی اول قبایحی
ایتمامکه او یله عزیمت اید که آنلره عودت ایتمک عندنده محال اوله، دایما
خوف اوزره اولوب آنلری ایشلد بکنک ندامت و پشیمانی خاطرندن چیقیمی.

(نظم)

توبه درر هر عمالك احسنی • توبه درر مغفرتك معدنی
نادم اولوب جرمكه كل توبه قبل • دیمه کیم جرمكه سور حق بی
جرمی اولور آدمه حقه حجاب • ترك اید کور حقه حجاب اولانی
بارکه قربی کنه ستر ایدر • توبه در اول بارکك روزنی
توبه ایدوب معصیتکدن صاقین • سالتك معصیت اولور رهزنی
توبه اولوب فلك یم مغفرت • جمله عملار در انك یلکنی
مغفرتك قالمه کنارندد کل • توبه ایله مغفرت صال سنی
مغفرت آبیله طهارت توب • قرب خدایه واروب اول معنی

حق تعالی یه وصات طاب ایدن کیمسه یه لازمدرکه الله تعالی یه محبت
ایچون محبت جان و جسمی و محبت ماسوایی ترك ایدوب الله تعالی یی طاب
وارادنده صادق اوله، جمیع علایقی دنیویه و اخروییه یی قلمندن اخراج
ایدوب فقر و فاقه یی اختیار اید و عزت دنیا دن اعراض ایله ناس عندنده
اولان منزلندن فارغ اوله رق فضل و مائی حق بولنده بذل اید؛ و زهد
و تقوی ایله متصف اوله، ناسدن عزات اید، برشیخ کامل بولوب آندن
اخذ انابت ایدوب حکمه تسام و مجلسنه مدافعه خدمتده قشم اوله،
اکبر کیمسه طالب رضاء الله و راغب لقاء الله اولوبده بوشروط انده
بولمز ایسه متعودینه نثل مظلومینه و اصل اوله مز .

(نظم)

جانہ باقر حق یوں لے دے طالب دیدار لر
حق دن اوز کہ غیری یہ میل ایلمز ہشیار لر
پانی خار مغیلان سودادن حفظ ایدر
شاہراہ کعبہ وصلہ کیدن رھوار لر
وصلت درگاہ حق اولمز میسر سالکہ
آکا رھبر اولسہ عارف اولان سالار لر
واریغی معشوقہ بذل ایلر وصالن استمز
حق معشوقہ رعایت ایلین ابرار لر
ترک تجریدایہ بویولده سبکبار اولیوری
ایرمدی سرمنزلہ بونده کران رفتار لر
فقر وفاقہ خلعتین کی اکنکہ قیل افتخار
ظور کی تا کیم پسندیدہ ایدہ اختیار لر
جان و باشندن کچوب چوکان کوئی لعب ایدر
عرصہ میدان عشق ایچرہ کیرن شطار لر
عاشق شوریدہ اول اما ادب کوزلہ صقین
طرد ایدر لر باب خدمتدن سنی دلدار لر
دلہ کیزلہ وصانی بارککہ سترایت سرکی
ظاہرا بیکانہ اول کیم دوہمسون اغیار لر
برو بالین عشق و شوقیلہ یاقوبدہ کیتدیلر
لا مکان عالم قدسہ کیدن طیار لر
خواب غفلتدن کورن آج اول خدا بہ منتظر

کشف ایدر نور خدایی کو ز این بیدار لر
فانی اول کج بو وجودنن بقابول حق ایله
سرکه ظاهر اوله حقن سنک اسرار لر

فصل اول

بو فصل طریقت علیہ نك رسول محترم صلی الله تعالی علیه وسلمین
صورت تلقیسیله شروط مشیختی و ذکر قلبینک کیفیت تلقینی بیاننددر .
معلوم اولسونک چنکه رسول الله تعالی علیه وسلمین حضرت علی
(کرم الله وجهه) الله تعالی حضرت تدرینه اقرب طریق طلب ایلدکده رسول الله
(صلی الله علیه وسلم) جواب ویر میوب و حیه منتظر اولدیار ایدی ، اول وقت جبریل
امین حضرت تدری حق تعالی جانبندن کلوب (یار رسول الله اقرب طریق ذکر در) دیو
خبر ویر مک رسول الله صلی الله علیه وسلمه کلمه توحیدی تلقین طریق اوزره اوچ
کرده کراستدیلر ، و رسول الله دخی اوچ کره تلقن طریق اوزره ذکر استدیلر
صکره رسول الله (صلی الله علیه وسلم) علی کرم الله وجهه) نی اول منوال اوزره اوچ
کرده کرایدر مک تلقین ایلدیلر ، اندن صکره سائر اصحاب حضرت تدرینه دخی اجتماع
و انفراد اوزره تلقین ایدوب ، « جئنا من الجهاد الا صغر الی الجهاد الا کبر »
بیوردیلر ، بو کلام شریف لرندن معلوم اولور که ذکر الله اشتغال نفسله جهاد در ،
نفسله جهاد ایسه جهاد اکبر در ، زیر نفس عدو الله در ، انی هلاک ایتدیکه
الله دوست اولوب قریت اولمز ، لکن حضرت علیدن مقدم رسول الله
(صلی الله علیه وسلم) غار حجر تده ابوبکر (رضی الله تعالی عنه) حضرت تدرینه
طریق ذکر خفی نی اساناً تلقین ایدوب نسبت محبت ذاتیه نی و جذبه جنابیت
رحمیه نی افزه و احسان ایدوب « ماص الله فی قابی شیئا الا و قد صابته
فی صدری ابی بکر » بیوردیلر . اولوقت ابوبکر حضرت تدری بر خدمت

عظیمہ دہ بولندیکہ اول عنایتہ لایق اولوب جمیع صحابیدن افضل اولدیلر
 نیکیم « ما طلعت الشمس وما غربت علی افضل من ابی بکر بعد النبین »
 وینہ حدیث شریفده وارد اولدی « لیس فضل ابی بکر علیکم بکثرة الصلاة
 او بکثرة الصیام بل بشی یوقر فی قلبه » حدیث شریفلری بو خدمتی ایما ایدر .
 ابوبکر حضرت تارینک قابنده وقرایدن شی غار حجرتده رسول الله (صلی الله
 علیه وسلم) انلره افاضه ایلدیکی نسبت محبت ذاتیه وجذبہ جذبات رحمانیه
 ایدی . رسول الله حضرتندن صکره ابوبکر حضرت تارلی خلیفہ حق اولدقدہ
 اول نسبت محبت ذاتیه وجذبہ رحمانیه یی ذکر لسانله اخفا طریق اوزردہ
 بعض صحابییه تلقین و افاضه ایتدیلر و بعض صحابی دخی بعض تابعینه تلقین
 و افاضه ایلدیلر . اول نسبت علیه اسلوب محرره اوزردہ کابراً عن کابر اولیاء
 عظام و مشایخ کرام بیننده تسلسل ایتدی ، تا کیم خواجه عبدالحق
 غجدوانی حضرت تارینه حضرت خضر علیه السلام ذکر قای بی حبس نفس
 طریق ایلہ تعالیم ایتدی ، اندن صکره خواجه حضرت تارلی اخفا طریقله ذکر
 لسانی تر ایدوب ذکر قای به حبس نفس طریقله مشغول اولدیلر
 و سائیکلری دخی ذکر قای ایلہ تسلیم و تربیه ایتدیلر ، بوندن معلوم اولدیکه
 بو طریقت علیده اولان ذکر قای حضرت خضر علیه السلام دن و نسبت
 ذاتیه وجذبہ رحمانیه دخی ابوبکر حضرت تارندن تسلسل ایتشدیر ، انکچون
 بو طریقت علیه ابوبکر حضرت تارینه نسبت اولنور و بو طریقه « طریق جذبہ »
 و نسبتله « نسبت ذاتیه » دنیلور ، انکچون بو طریقت علیه نیک مرشد و مریدلری
 بعض سائیکلری اجمالاً جذبہ ایلہ تربیه ایدوب حقه ایصال ایلرلر و تاتین ذکر
 ایدوب سوکده تفصیلاً تربیه ایدوب حقه ایصال ایدرلر ، لکن جذبہ ایلہ
 تربیه مریینک قودہ تصرفنه میندیر ، جذبہ ایلہ تربیه ده سائک بالاتباع و لا

نصب حقّه واصل اولوب سلوك مجاهده ايله طريقده تعوق و تكلف كورمز
وسلوك ايله طريقده تطويل ايتمز، اما كركدر كه اول سالك وصولدن صكره
تفصيلا سلوك مجاهده يه مشغول اوله، تا كيم طريق سلوك نه اولديغنى بيويوب
اول دخى سالكلرى سلوك ايله تربيه يه قادر اوله.

اكر جذبه ايله واصل اولان ابتدايه عودت ايدوب سلوك ايتمز ايسه
احوال طريقى بيامويوب ناقص قالور و سالكلرى دخى تربيه و تسليك ايدمز،
اكر ايدرايسه جذبه ايله تربيه ايدر، يوخسه سلوك ايله تربيه ايدمز،
حتى ايدم ديسه سالكلرى الحاده القا ايدر.

(نظم)

بدرقه قرب خدا جذبه در . رهبر ارباب خدا جذبه در
كاشف اسرار كنوز رموز . فاتح ابواب عطا جذبه در
قيد سوادن چوران سالكى . رابطه اهل فنا جذبه در
جمله عباداته موازى اولان . موصلة باب رضا جذبه در
خاطرملر نقشينى دلدن سيان . روحه جلا قابله صفا جذبه در
درد فراق ايله اولان خسته يه . روحه فزاداد شفا جذبه در
سعى ايله كل جذبه يه ايت ارتقا . سلم ارباب اتقا جذبه در
جذبه طريقه كيرن طالبك . دلدن مطالب رسا جذبه در
حضرت صديقي سرفراز ايدن . عن مقامات علا جذبه در
ميل محبت طاب شوق عشق . وجد و غرام ايله جدا جذبه در
رغرف اولان وصات ايچون عاشقه . مرتبه (ثم دنى) جذبه در
مشيختك شروط آداني بونارد در :

شیخ مربی اولان کیمسه برشیخ کاملدن تربیه کوروب حقه واصل اولدقده احکام شریعتیه عالم واحوال طریقته عامل اولق کرکدر، اسرار حقیقتی کشف ایدرک الله تعالی یه واصل اولق کرکدر. طریقته اولان مزائق و مهالیکه مضاع اولق کرکدر. سالکری عقبات طریقته تحملیه قادر و صابر کرکدر: که تا کیم سالکله مشقت طریقتی چکدیر میوب آسانلق ایله منزل مقصوده ایریشدیره، نفس و شیطانک طریق حیل و مکرلرینه دخی عالم کرکدر. تا کیم نفس و شیطانک حیل و مکرندن سالکری حفظ ایدوب سلامتیه حقه ایصال ایدر و طریق افاضه فی تمامیه کوروب و بیایوب سالکری استعدادلرینه کوره تربیه و تسایکه قادر اوله، تا کیم کندوسی سالکله تربیه و سلوکارنده زحمت چکمه، الباس قبا صاحبی اولق کرکدر، تا کیم استعدادی اولین سالکله الباس استعداد ایدر و سالکری حضور و غیبتده حفظ و حراسته قادر اوله و تصرف روحانیت ایله سالکری حضورده تربیه ایدر کبی غیبتده دخی تربیه یه قادر اوله و اخلاق الله ایله موصوف اولوب اداب رسول الله ایله مؤدب اوله، اقوال و افعال واحوالی جمله میزان شرع اوزره اولوب اداب عبودیتیه راعی و متعابت سنن سنیه یه ساعی اوله. بدع و رخصلردن مجتنب و احوط امور ایله عامل اوله، حظوظاتی ترک ایدوب محن و مشاقی اختیار ایدر و فقر ایله متصف اوله، تا کیم سالکله دخی محن و مشاقده و فقر و فاقده اکا اقتدا ایدر، دائم کتاب الهی و حدیث رسول الهی یدشوا ایدوب هر امورنده کتیب و سنته اقتدا و هر حالنده التجا ایدر، اسرار حقیقتی دخی کتاب و سنته تطبیق ایدر، زیرا ارباب حقیقت غننده کتاب

وحدی پیشوا ایتیمه طریقتده اقتدا اولمز ، زیرا امر طریقت کتاب
وسنت ایله مقید و مؤیددر .

بوشروط واداب ایله شیخ اولان کیمسه تحقیق ایتدیکندن صکره تربیه
ناسه دخی رسول الله (صلی الله علیه و سلم) جانبندن خلافت ایله مأذون اوله ،
پس ایمندی برشیخ که بوشروط وادابله موصوف اولیه ، اکا طریقتده اقتدا
جائز دکلدردر ، زیرا اول شیخ سالتکی سلامت ایله حقه ایصال ایده مز ، بلکه
سالتک حتمدن انقطاعنه سبب اولور ، لکن بوزمانهده بوشروط ایله متصف
اولان شیخ قتی نادر در ، بلکه وجودی وجود غنقا کبیدر .

(نظم)

شیخ اولیه کرک کیم اوله شرع اوزره فعالی
وعظ و حکمی جامع اوله جماله مقالی
افعال طریقتله اوله شویله مجاهد
نادر بولنه اهل سلوک ایچره مثالی
عرفان ایله ملو اوله کنجینه صدری
اسرار حقیقتله اوله حقه وصالی
الایش دنیادن اوله پاک و مزکا
غنقا کبی منزل ایدینه عز معالی
مقبول اوله اطواری انک انس ایله جنه
محبوب اوله سیرته دخی جماله خصالی
ظاهرده اوله زهد و عباداته مشغول
باطنده انک حقی مشاهد اوله بالی
اول رتبه اوله قوت قدسیه مانت

بر همت ایله ایلیه اول قلع جبالی
سالکاری غیبتده ایده حفظ و حراست
رفع ایده کوکلرده اولان داع عضالی
عارف اوله اول مزلقه راه سلوکه
تمیز ایده اوله اول نهج هدایتله ضاللی
عالم اوله حالات فنا ایله بقایه
فرق ایده تجلی جلال ایله جمالی
کشف ایلیه سالکاره احوال سلوکی
فتح ایلیه ضالبره ابواب نوالی
ملک ملکوت ایچره ایده بویله تصرف
مکن اوله اول ایشلمکه امر محالی
بر کیمسه اکر قابل فیض اولسه اصلا
بر نظرده ارشاده آنی اوله مجالی
شیخلردن اولوب نسبت عرفانی مسلسل
اسماء طریقنده اوله فضل و کمالی
حق ایله اوله قرب ولایتله مقرب
خاق ایله اوله تاج خلافت ایله عالی
مأذون اوله اول تربیه روح نیدن
تأیید اوله انواع کرامتله بوحالی
بوجه صفات اولسه بر شیخده موجود
البتده اولور حکم مشیختدن اوخالی
کیفیت تاقین ذکر ضریق نقشبندی :

اگر بر طالب طریق جناب حق تعالی به سلوک مراد ایتسه اکانلازمدرکه
اولا بر شیخ کامل بولوب آندن اخذ طریق ایدد، آندنصکره آنی رهبر
ویشوا ایدینوب طریقه آنک رفاقیله سلوک ایدد، زیر طریق جناب حق
غایت خاطرناک و محل هلاکدر؛ سالک آندم بر رفیق مشفق و بر عارف
رسوم طریقه مقارن اولدقجه حق تعالی نك وصلتته هدایت بولمز، بلکه
اول سالک ضالانته دوشوب هلاک اولور، آنک ایچون «الرفیق ثم الطريق»
من لم يأخذ الطريق من الرجال فينتقل من محال الى محال «من لم يكن له شيخ
فشیخه الشیطان» دنلمشدر.

پس ایمدی معلوم اولسونکه سالک بر شیخ کامل بولدقده آندن اخذ طریق
وتلقن ذکر سنت اوزره کیفیت بودرکه: شیخ اولان کیمسه سالک استخاره
ایله امر ایدر و کندی دخی استخاره ایدر، اگر استخاره لری موافق اولورسه
سالک غسل ایله امر ایدر، تکبیر رسول الله (صلی الله علیه وسلم) توبه ایدن
کیمسه لره اوله امر بیوررلر ایدی؛ غسلدن صکره سالک ایکی رکعت نماز
قیله و نمازدن صکره تمش کره (استغفر الله العظیم) ویوز کره دخی (سبحان الله
وبحمده) دیه و حق تعالی نك رضاسی ایچون برشی دخی تصدق ایدد، صکره
شیخک حضورینه کیده؛ شیخ دخی انی مواجهه سنده دیز اوزرینه
اجلاس ایدد، صکره شیخ، مریده جمیع معاصینک کیرو صغیر لرندن جمیع
غفلاتدن و اخلاق ذمیمه لرندن توبه انسوخ ایتدیرد، زیرا بر کیمسه نك یوز
معصیتی اولسه طمسان طقوز نده توبه ایدوب برندن توبه ایتسه اول کیمسه یه
تائب دینامز. پس ایمدی نقیر و قظیم معصیتلردن سالک توبه ایتک لازمدر
اندنصکره شیخ اول سالکک ذمتده حقوق عباد وار ایسه اول حقوق
احبابنه استرداد و یا خود استحلاله اندن عهداله. اندن صکره مریدک

صاغ الی مصافحه ایدر کبی الیه طوته، اندن صکره سالکک اوزرینه فرض
ولازمدرکه جمیع احکام شریعتک و جمیع سنن رواتب و نوافلک ایشلمه سنه
عهد اخذایده، وعزیمت ایله عمل ایتمکه ورخصتلی ترک ایتمکه و جمیع
بدعتلردن احتراز ایتمکه دخی عهد اخذایده، اندن صکره بوایت
کریمه بی تبرکا قرائت ایده [ان الذین یبایعونک انما یبایعون الله] الی آخره،
صکره شیخ و مرید بواسطغفاری اوچ کره اوقویه [استغفرالله العظیم الذی
لا اله الا هو الحی القيوم، غفار الذنوب و اتوب الیه و اسئله التوبه توبه عبد ظالم لنفسه
لا یملک لنفسه ضرا ولا نفعا و لاموتا و لاحیواته و لانشورا] صکره شیخ
و مرید اللرینی دیزلری اوزرینه وضع ایدوب کوزلرینی یومه لر، صکره
شیخ اسم جلالی قلبیله مریدک قلبنه تلقین طریق اوزره اوچ کره ذکرایده،
اندن صکره مرید دخی اوچ کره قلبیله تلقن طریق اوزره ذکرایده،
اندن صکره شیخ و مرید دخی معا اللرینی قالدیروب شیخ دعا ایده،
و مرید آمین دیه و دعائک تمامنده اللرینی یوزلرینه سوره لر.

کلمه توحیدک کیفیت تلقینی دخی اسم جلالک کیفیت بی کبی ایسه ده لیکن کلمه
توحیدی تلقینده شیخ و مرید حبس نفس ایدر لر، اندن صکره مریده
لازمدرکه توبه سی اوزرینه ثابت قدم اولوب شیخیله ایتمدیکی عهد و میثاقی
حفظایده، اکر ایتمزه نقض عهد ایدوب (الذین ینقضون عهد الله من بعد
میثاقه) آیت کریمه سنک تحتنده داخل و شیخ جانبدن دخی اکا اولان
طریق فیض و فتوح منسد اولوب بردخی اول مرید تجدید عهد محتاج اولور،
زیرا فیض طریقت حفظ عهد ایله جاری و ساری اولور.

(نظم)

سالک، خدایه ایرمزا کر ره بر اولسه، ارشاد ایدر طریق اکا برار اولسه